

四庫全書

史部

欽定四庫全書

史部

欽定續文獻通考卷一百十二

給事中_臣陳化龍覆勘

總校官內閣中書_臣孫溶

欽定四庫全書

欽定續文獻通考卷一百十一

樂考

樂縣

宋寧宗慶元初兩宮奉上尊號用宮縣三十六架

臣等謹按此乾道舊制也淳熙增用四十八架

遼太宗大同元年三月自汴將還得晉太常樂譜宮縣
樂架委所司先赴中京

欽定四庫全書

欽定續文獻通考

冊禮樂工次第

四隅各置建鼓一虞樂工各一人 宮縣每面九虞
每虞樂工一人 樂虞近北置祝敔各一樂工各一
人 樂虞內坐部樂工左右各一百二人 樂虞西
南武舞六十四人執小旗二人 樂虞東南文舞六
十四人執小旗二人 協律郎二人 大樂令一人
金南北郊宮縣二十虞登歌二虞

大定十一年太常議定詳樂制門

郊前二日大樂令帥其屬設登歌之樂於壇上稍南
北面玉磬在午陛之西金鐘在午陛之東祝一在鐘
前稍北敵一在磬前稍北東西相向歌工之次餘工
各立於縣後琴瑟在前匏竹在後於壇下第一等上
皆重行異位北向又設宮縣樂於南壇外門之外前
一日又設大樂令位於樂廡按下文又設位於宮縣間則此樂廡當指登歌
之間稍東西向協律郎位於樂廡之西東向又設大
樂令位於樂縣之北稍東協律郎二在大樂令南東

西相向祀日大樂令帥工人布於宮縣之內又引登歌樂工由郊陞而升各就其位歌擊彈者坐吹者立

太廟宮縣三十六虞

按大定十一年太常議曰與殿庭同

登歌二虞

太廟登歌鐘一虞磬一虞歌工四籥二壎二箎二笛

二篳笙二和笙二簫二七星匏一九曜匏一閏餘匏

一搏拊二祝一敔一麾一一弦琴三弦琴五弦琴七

弦琴九弦琴各二瑟四別廟登歌並同親祠則用金

鐘玉磬攝祭則用編鐘編磬宮縣樂三十六虞編鐘

十二虞編磬十二虞大鐘罇鐘特磬各四虞建鼓應
鼓鞀鼓各四路鼓二路鼗二晉鼓一巢笙竽各十
簫十籥十篪十笛十塤八一弦琴三三弦五弦七弦
九弦琴各六瑟十二祝一敔一麾一有司攝祭宮縣
二十虞編鐘四編磬四辰鐘十二建鼓四路鼓四路
鼗二晉鼓一巢笙竽笙簫塤篪笛各八一弦琴三三
弦五弦七弦九弦琴各六瑟八祝敔各一麾一登歌
與親祠同

享前二日大樂令設宮縣之樂於庭中四方各設編鐘三編磬三東方編鐘起北編磬間之東向西方編磬起北編鐘間之西向南方編磬起西編鐘間之北方編鐘起西編磬間之俱北向設特磬大鐘罇鐘共十二於編縣之內各依辰位樹路鼓路鼗於北縣之內道之左右晉鼓一在其後稍南植建鼓鞀鼓應鼓於四隅建鼓在中鞀鼓在左應鼓在右置祝啟於縣內祝一在道東啟一在道西設登歌之樂於殿上前

楹間金鐘一在東玉磬一在西俱北向祝一在金鐘
北稍西敵一在玉磬北稍東搏拊二一在祝北一在
敵北東西相向琴瑟在前其匏竹者立於階間重行
北向諸工人各位於縣後前一日設協律郎位二一
於殿上前楹間一於宮縣之西北俱東向大樂令於
登歌樂縣之北大司樂於宮縣之北

元郊社宗廟用宮縣三十六虞登歌二虞

祀前一日宿縣於庭中東方西方設十二罇鐘各依

辰位編鐘處其左編磬處其右黃鐘之鍾起子位在通街之西蕤賓之鍾居午位在通街之東每辰三虞謂之一肆十有二辰凡三十六虞樹建鞞應於四隅

左祝右敔設縣中之北歌工次之

三十二人重行相向而坐凡工坐者

高以祝地以壘

巢笙次之簫次之竽次之箏次之篪次之塤

次之長笛又次之夾銜之左右瑟翼祝敔之東西在

前行路鼓路鼓次之

郊祀則雷鼓雷鼗

閏餘匏在簫之東七

星匏在西九曜匏次之一弦琴三列路鼓之東西一

西三弦五弦七弦九弦皆六次之晉鼓一處縣中之

東南以節樂又設登歌樂於殿之前楹

殿陛之旁設樂床二樂工

列於上搏拊二歌工六祝一敔一在門內相向而坐鐘

一虞在前楹之東一弦三弦五弦七弦九弦琴五次之瑟二在其東笛一簫一篪一在琴之南巢笙等笙

各二次之塤一在笛之南閨餘匏排簫各一次之皆

西上磬一虞在前楹之西一弦三弦五弦七弦九弦

琴五次之塤一在笛之南七星匏九壎匏排簫各一

次之皆東上

大樂署令一人丞一人掌郊社宗廟之樂凡有事於宗廟大樂令位於殿楹之東西向丞位於縣北通街之東西向以肅樂舞

協律郎二人掌和律呂以合陰陽之聲凡大祭祀皆法服一人立於殿楹之西東向一人立於縣北通街

之西東向以節樂

堂上者主登歌堂下者主宮縣

凡樂作則跪俛伏

舉麾以興工鼓祝以奏樂止則偃麾工夏啟而樂止

樂正二人副二人掌肆樂舞展樂器正樂位皆舒脚
幘頭紫羅公服烏角帶木笏阜鞞凡祭二人立於殿
內二人立於縣間以節樂殿內者視獻者奠獻用樂
作止之節以笏示照燭照燭舉偃以示堂下若作登
歌則以笏示祝敵而已縣間者視堂上照燭及引初
獻照燭動亦以笏示祝敵

樂師一人運譜一人掌以樂教工人樂師服緋運譜
服綠冠笏並同樂正副凡祭立於縣間皆北上相向

而立

執麾一人從協律郎以麾舉偃而節樂服同樂工惟加平巾幘

照燭二人掌執籠燭而節樂服同樂正副無笏凡樂作止皆舉偃其籠燭一人立於堂上門東視殿內獻官禮節麾燭以示縣間一人立於堂下縣間俟三獻入導初獻至位至於其左初獻行皆前導亞終則否凡殿下禮節則麾其燭以示上下初獻詣盥洗位乃偃其燭止亦

如之俟初獻動為節

樂工

宮縣工二百六十一人登歌工五十一人二介樂用工三百一十二人代事故者五十人

幘冠緋羅生色鸞袍黃綾帶阜鞞

冠以皮為之黑油如熊耳金制也

歌工服同樂工

執罷二十人服同樂工綠油母追冠

革為之一加紅名武弁

抹額

節樂之器 麾一製以絳繒長七尺畫升龍於上以

塗金龍首朱杠縣之樂長執之舉以作樂偃以止樂

照燭二以長竿置絳羅籠於其末然燭於中夜暗
麾遠難辨樂正執之舉以作樂偃以止樂

臣等謹按大樂署以下十條因紀樂縣而及縣間
執事者之位次服器以類附見故不入樂制門

世祖中統元年七月設祖宗神位於中書省用登歌樂
遣官攝事

祭祀志曰攝祀設宮縣三樂於庭中東方西方磬
虞起北鐘虞次之南方北方磬虞起西鐘虞次之

設十二鐃鐘於編縣之間各依辰位樹建鼓於四隅置祝敵於北縣之內祝一在道東敵一在道西路鼓一在祝之東南晉鼓一在其後又路鼓一在祝之西南諸工人各於其後東方西方以北為上南方北方以西為上文舞在北武舞在南立舞表於鄴綴之間又設登歌之樂於殿上前楹間玉磬一虞在西金鐘一虞在東祝一在金鐘北稍西敵一在玉磬北稍東搏拊二一在敵北一在祝北東

西相向歌工次之餘工各位於縣後其匏竹者立於階間重行北向相對為首

至元三年初用宮縣登歌樂文武二舞於太廟

編鐘磬三十有六虞樹鼓四晉鼓一路鼓二鼗鼓二相鼓二雅鼓二祝一敔一笙二十有七塤八篪簫籥笛各十琴二十有七瑟十有四單鐸雙鐸鏡鈿鉦麾旌燹各二補鑄編鐘百九十有二靈璧石磬如其數

八年八月聖誕節立雲和署樂位樂器之制

輿服志曰雲和樂雲和署令二人朝服騎分左右
引前行凡十有六人戲竹二排簫四簫管二龍笛
二板二歌工四皆展角花幙頭紫絛生色雲花袍
鍍金帶紫鞞次琵琶二十箏十有六笙篪十有六
簫十有六方響八頭管二十有八龍笛二十有八
已上工百三十有二人皆花幙頭絛生色雲花
袍鍍金帶朱鞞杖鼓三十工人皆幙頭黃生色
花襖紅生色花袍錦臂鞞鍍金帶烏鞞次板八工

人服色同琵琶工人次大鼓二工十人服色同杖
鼓工人雲和署令從者二人服同前隊 雲和樂
後部雲和署丞二人本品服騎分左右領前行戲
竹二排簫二簫管二歌工二凡十人皆騎花幘頭
紫絕生色花袍塗金帶烏鞞次琵琶四箏四篳篥
四箏四頭管六方響二龍笛六杖鼓十工四十人
皆騎服同上惟絕色紅從者二人服同前隊
安和樂安和署令二人本品服騎分左右行領押

職二人弓角鳳翅花金幘頭紅濟遜加欄袍金束帶花鞞次札鼓八為二重次和鼓一中道次板二次龍笛四次頭管二次羌笛二次笙二次簫二左右行次雲璈一中道工二十有四人皆弓角鳳翅金花幘頭紅錦濟遜襖金荔枝束帶花鞞從者二人服同前隊

天樂一部天樂署令二人本品服騎分左右領押職二人弓角鳳翅金花幘頭紅錦濟遜襖加欄金

東帶花鞞次琵琶二笙篴二和火斯二板二第二
胡琴二笙二頭管二龍笛一響鐵一工十有八人
皆弓角鳳翅金花幙頭紅錦濟遜襖鍍金束帶花
鞞

十年三月皇后皇太子受冊寶並用教坊樂

禮樂志曰進發冊寶導從雲和樂一部署令二人
分左右次前行戲竹二次排簫四次簫管四次板
二次歌四並分左右前行內琵琶二十次第十六

次笙篪十六次簫十六次方響八次頭管二十八

次龍笛二十八為三十三重重四次杖鼓三十為

八重次板八為四重板內大鼓二工二人舁八人

樂工服並與鹵簿同安和樂一部署令二人扎鼓

六為二重前四後二次和鼓一中道次板二分左

右次龍笛四次頭管四並為二重次羌管二次笙

二並分左右次雲璈一中道次簫二分左右樂工

服與鹵簿內同

臣等謹按八年十年兩條大概儀仗所用非宮縣
比特因紀樂器行列而類及之又雲和等署隸儀
鳳司已據百官志入樂制門其設官歲時與此不
合並存備考

明太祖洪武元年定郊丘廟社樂器之制

樂工六十二人編鐘編磬各十六琴十瑟四搏拊四

祝鼓各一塙四篪四簫八竇錄作笙八笛四應鼓一

簫四

歌工十二協律郎一人執麾以引之七年復增籥四

鳳笙四壎用六搏拊用二共七十二人惟文廟樂生
六十人編鐘編磬各十六琴十瑟四搏拊四祝啟各
一壎四簫四簫八笙八笛四大鼓一歌工十
是年定大駕鹵簿內樂器之制

內畫角二十四鼓四十八金四金鉦四杖鼓四笛四
板四小銅角二大銅角二

又定東宮儀仗內畫角十二花匡鼓二十四柶鼓二
金鉦二金二板二笛二杖鼓二小銅角二大銅角二

又戲竹二大鼓一板一杖鼓十二笛二笙二篴二
簫二琵琶二方響二頭管二簫二

至六年又定親王儀仗內畫角十二花匡鼓二十四
杖鼓二金鉦二鑼二柶鼓二板一笛二小銅角二大
銅角二又戲竹二大樂鼓一板一杖鼓十二笛四頭

管四

郡王儀仗內畫角十花匡鼓二十柶鼓一金鉦一鑼
二板一笛二又戲竹二大樂鼓一板一杖鼓八笛四

頭管四

又定大宴樂器之制

殿內備食樂簫六笙六歌工四丹陛大樂戲竹二簫
四笙四琵琶六箏六篪四方響四頭管四龍笛四
杖鼓二十四大鼓二板二文武二舞樂器笙二橫管
二箏二杖鼓二大鼓一板一四夷舞樂腰鼓二琵琶
二胡琴二箏篪二頭管二羌笛二箏二小盞一板一
三年九月定朝會宴享樂器之制

凡聖節正旦冬至朝賀用大樂樂工六十四人引樂

二人簫笙塋篥方響頭管龍笛各四人琵琶六人

樂志作琵琶六篥杖鼓二十四人大鼓二人板二人皆戴曲

脚幞頭衣紅羅生色畫花大袖衫塗金束帶紅絹擁

項紅結子阜皮靴

凡宴會用九奏樂歌四人簫六人笙二人皆戴中華

一統中衣紅羅生色大袖衫畫黃鶯鸚鵡花樣紅生

絹襯衫錦領杏紅絹裙白絹大口袴青絲絛白絹鞵

茶褐鞋

會典曰殿內中和韶樂樂器麾一簫十二笙十二
排簫四橫笛十二塤四篪四琴十瑟四編鐘二編
磬一應鼓二祝一敔一搏拊二丹陛大樂之器麾
一戲竹二笙十二簫十二笛十二頭管十二簫八
琵琶八二十弦八方響二鼓二拍板八杖鼓十二
按此據會典禮部云云工部大樂制度作
方響四板四杖鼓三十六當有大鼓二

十五年正月朔宴羣臣於謹身殿始用九奏侑食樂章

殿內侑食樂樂器麾竿一柷一敔一搏拊一琴四瑟

二簫四笙四笛四塤二篪二排簫二志作鐘一磬一

應鐘

志作鼓

一迎善樂樂器戲竹二笛二志作頭管鼓

一板一杖鼓十開天門設立丹陛大樂樂器戲竹二

簫四笙四笛二頭管二琵琶二箏二二十弦二方響

二鼓一板一杖鼓八進膳樂樂器笙二笛二鼓一板

一杖鼓八太平清樂笙四笛四頭管二箏四方響一

杖鼓八小鼓一板一

二十六年定中宮朝賀女樂樂器之制

戲竹二簫十四笛十四頭管十四簫十琵琶八二十
弦八方響六鼓五拍板八杖鼓十二樂章天香鳳韶
之曲正旦冬至千秋凡三節朔望朝參戲竹二簫四
笙四笛四頭管四簫二琵琶二十絃二方響一鼓
一拍板二杖鼓六

永樂二年續定東宮正旦冬至千秋節朝賀樂器之制
戲竹二簫四笙四笛四頭管四簫二琵琶二十絃

篋即笙二方響一鼓一拍板二杖鼓六

又定親耕藉田教坊司合用樂器之制

銅鑼四面黑油腔大鼓四面小鼓二面黑油腔鼗子四面

又定殿內侑食樂樂器之制

麾一簫四笙四笛四埙二篪二排簫二琴四編鐘一編磬一祝一敔一搏拊一應鼓一奏黃童白叟鼓腹謳歌承應樂器笛四大鼓一小鼓一鼗子二拍板

二杖鼓二 攏撥樂器笛二頭管二簫二琵琶二水
盞一辭子二拍板一二十絃二 丹陛大樂樂器戲
竹二簫十二笙十二笛十二頭管十二簫琵琶八二
十絃八方響二鼓一拍板六杖鼓十二 導膳樂樂
器戲竹二笙六笛六頭管六簫四鼓一拍板二杖鼓
八 迎膳樂樂器笙四笛四頭管四簫二方響一大
鼓一拍板一杖鼓四 進膳樂樂器笙四笛四頭管
四簫二方響一鼓一拍板一杖鼓四 小宴樂侑食

樂器簫二笙二箏二 設立大樂樂器笙二笛二頭
管二箏二鼓一板一杖鼓八

東宮宴樂樂器簫四笙四箏二

迎膳樂樂器戲竹二笙四笛四頭管四箏二琵琶二
鼓三拍板二杖鼓四

臣等謹按自郊廟樂縣之外錯出鹵簿儀仗及宴
享侑食等樂器皆如前例以類附見

欽定續文獻通考卷一百十一

欽定四庫全書

欽定續文獻通考卷一百十二

樂考

樂歌

宋寧宗郊祀樂章

皇帝入中壝乾安

合祀丘澤登侑祖宗顧謨惟精靈承惟恭有嚴皇儀
有莊帝容監于克誠肅肅雍雍

降神景安園鍾為宮

天門蕩蕩雲車陰陰百神咸秩三靈顧歆神哉來娛
神哉溥臨饗時宋德翼翼小心

黃鍾為角

華蓋既動紫微洞開星樞周旋日車徘徊靈兮顧佑
靈兮沛來載燕載娛式時壇垓

太簇為徵

泰尊媪釐祖功宗德辰躔陪營嶽瀆受職神哉來下

神哉來格饗德惟馨留虞嘉席

姑洗為羽

金石宣昭羽旄紛綸潔火夕照明水夜陳
娛哉惟神風馬招搖惟德之親

皇帝盥洗乾安

皇帝儉勤盥用陶瓦禮神頌祗奠幣獻筭月鑑陰肅
醴液融冶挹彼注茲禮無違者

升壇乾安

崇壇穹窿高靈下墮慶陰彷彿從坐嶻峨宵升於邱
時通權火惟天之命百祿是荷

降壇

帝饗於郊一精二純紫觚陟降嘉玉妥陳神方留娛
瑞貺紛綸申錫無疆螽斯振振

還位

肅肅禮度銷銷宮奏天行徐謚皇儀昭懋光連重璧
物陳簋豆於皇以饗無聲無臭

尚書奉俎

列俎孔陳嘉籩維實鼎堪陽燧玉流星液我牲既碩
我薦既苾神監下昭安坐翔吉

再詣盥洗

帝澄初觴禮嚴再盥精明顯昭齊顛洞貫靈娛留俞
神光炳煥我宋受福永壽於萬

再升壇

紫壇嶽立神光夜燭有儼旒采有鸞佩玉霄垠顧佑

祖宗熙穆對越不忘俾爾戩穀

降壇乾安

天容澄謐景氣晏和瓚斝薦醇銷璆叶歌帝降庭止
夜其如何神助之休宜爾衆多

還位乾安

甘露流英卿雲舒采靈俞有喜神光晻曖穆穆來莅
洋洋如在帝用居歆澤及四海

入小次乾安

聽惟饗德監惟棐忱顧謚思明靈承思欽永言端蒞
肅對下臨上帝是皇母貳爾心

文舞退武舞進正安

羽籥陳容干戚按節德閑而泰功勞而決虞我神祇
揚我謨烈盡美盡善福流有截

亞獻正安

帝臨中壇神從八陛華玉展瑞明馨薦醴亦有嘉德
克相盛禮獻茲重觴降福瀾瀾

終獻正安

敬事天地升侑祖宗陳盥於三介觴之重秉德翼翼
有來雍雍相予祀事福嘏日溶

出小次乾安

孝奏展成熙儀畢薦光流桂俎祥衍椒奠風管晨凝
雲容天轉拜貺於郊右序詒燕

詣飲福位乾安

所饗惟清所欽惟馨靈喜留俞天景窈冥福祿來成

福祿來寧皇用時斂壽我慈庭

飲福禧安

瓊筓觥膠觥壘氤氳有醴惟香有酒惟欣肝鬯豐融
懿懿芬芬我龍受之如川如雲

降壇乾安

天錫多祉皇受五福言瞻瑤壇迄奉瑄玉昭星炳耀
元氣回復帝儀載旋有嘉穆穆

還位乾安

璇圖天深鼎文日輝慶流皇家象炳紫微乾回冕旒
雲煥袞衣何千萬年式於九圍

尚書徹豆熙安

蘭豆既升簋簋既登禮備俎實饗貴牲膳時乃告徹
器用畢興祚我皇基介福是膺

送神景安

神輔有德來燕來娛醴薦熙成三靈逆釐神饗有道
言旋言歸福祉咸蒙百世本支

詣望燎位乾安

莫神乎天陽嘘而生日月星辰皆乾之精肆求厥類
與陽俱升眡燎於壇展也大成

詣望瘞位乾安

地載萬物陰翕而成山嶽河瀆皆坤之靈克肖其象
與陰俱凝眡瘞於坎思求厥成

還大次乾安

福方流胙祈方欽柴鹵簿再肅球架允諧帝祉具臨

皇靈允懷遒御於次降福孔皆

還內乾安

八神呵

按史志
誤作叮

蹕千官景從回軫還衡稜威

按史志
誤作威

盛容妥飾芝鳳御朝雲龍歸壽慈闈敷時民雍

寧宗郊祀前朝享太廟樂章

皇帝入門乾安

王假有廟四極駿奔鼎俎宵嚴虞冀雲屯積厚流光

德隆慶蕃是則是繩保我子孫

升殿乾安

於穆清宮奕奕孔碩芝莖蔓秀桂華馮翼八簋登列
六瑚賁室皇代擁慶啟佑千億

盥洗乾安

天一以清地一以寧維皇精專承神明靈娥御墮津
瀆祗揚溟盥事允嚴先祖是聽

詣室乾安

丹楹雲深芳勺宵奠樂華淳鬯禮文炳絢有容有儀

載肅載見維時緝熙世世以燕

還位乾安

旅楹有閑人神允叶福以德昭饗以誠接六樂宣揚
百禮煒煜對越在天流祚萬葉

迎神興安

九變

黃鍾為宮

咸英備樂簋席列筭詩歌安世聲叶皇雅翠旗羽蓋
雲車風馬神其來兮以燕以下

大呂為角

勾陳旦闕閭闔夜分軫風挾月車駟凌雲瑞景掩靄
神光耀煜神其來兮以留以忻

太簇為徵

穆穆紫幄璜璜清宮早麓流詠鳧鷖叶工道閎詒燕
業綿垂鴻神其來兮以康以崇

應鍾為羽

文以謨顯武以烈承聖訓之保祖武之繩有肅孝假
式嚴衍烝神其來兮以宜以寧

奉俎豐安

簋豆薦牲鉶遵實饋其俎孔庶吉蠲為饗惟德達馨
以忱以貴神既佑享祉貺來暨

再詣盥洗乾安

精粹象天明清鑿月再御茲盥益致其潔齋容顯若
誠意洞徹百禮允洽率履不越

真宗室熙文

天地熙泰躋時昇平闡符建壇聲容文明君臣賡載

夷夏肅清本支百世持盈守成

仁宗室美成

在宋四世天子聖神用賢致治約已裕民海內富庶
裔夷肅賓四十二年堯舜之仁

英宗室治隆

明明英后仁孝儉恭丕顯丕承增光祖宗繼志述事
遵制揚功萬邦作孚盛德形容

神宗室大明

九十一
九十二
厲精基治大哉乾剛信賞必罰內修外攘禮樂法理
號令文章作新之功德越百王

哲宗室重光

於皇我宗世有哲明元祐用人過駿有聲紹述先志
思監於成受天之祐王配於京

徽宗室承元

帝撫熙運晏粲協期禮明樂備文恬武嬉道光授受
謀深燕詒駿命不易子孫保之

欽宗室端慶

顯顯令主輝光日新奉親以孝綏下以仁兢兢業業
誕保庶民於穆不已之德之純

高宗室大德

昊天有命中興復古治定功成修文偃武德隆商宗
業闋漢祖付托得人系堯之緒

孝宗室大倫

藝祖有孫聰睿神武紹興受禪歸尊於父行道襲爵

百度修舉聖德曰孝光於千古

光宗室大和

維宋洽熙帝繼於理萬姓厚生三辰順軌對時天休
以燕翼子肅唱和聲神其有喜

還位乾安

在周之庭設業設虞酒醴維醕爾殽伊脯帝觴畢勺
天步旋舉丕顯丕承念茲皇祖

降殿乾安

黼幄蟬蛸颺存寧燕

按史志誤作燕寧

尊彝獻裸瑚簋陳薦

眎儀天旋淳音韶變邁求厥寧福祿流美

入小次乾安

皇容肅祗天步舒遲對越惟恭敬事不遺陟降莅止
永言孝思上帝臨汝日監於茲

文舞退武舞進正安

明庭承神鞀磬祝啟玉梢飾歌侑綴維旅既肖厥文
復象乃武祖德宗功惟帝時舉

亞獻正安

尊筭星陳壘幕雲舒來貳鸞觴玉佩瓊琚相予嚴祀
秉德有初對揚王休何福不除

終獻正安

秉德翼翼顯相肅雝疏纂三舉誠意益恭光燭黼黻
和流笙鏞子孫衆多福祿來從

出小次乾安

廟楹邃嚴夜景藻清文物炳彪禮儀熙成帷宮載啟

珮珩有聲帝復對越將受厥明

再升殿乾安

明明維后詒厥孫謀系隆我漢陳錫哉周以孝以饗
世德作求介以繁祉萬邦咸休

飲福乾安

玉瓚黃流有飴其香來假來享降福穰穰我應受之
湯孫之將有百斯男福祿無疆

還位乾安

聖圖廣大宗祚光輝假于有廟帝命不違侵若有慕
夙夜畏威嘉樂君子福祿禋禘

徹豆豐安

升饌有章卒食攸序庭鏘金奏凱收劔管其獻惟成
其餽惟旅禮洽慶流皇祖之祐

送神興安

珠幄煩黃神既燕娛監觀於下福祿來宜雲車風馬
神保聿歸啓佑我後福祿來為

降殿乾安

聖有謨訓詒謀燕翼奉天酌祖萬世維則維皇孝熙
乾乾夕惕禮既式旋惟福之錫

還大次乾安

王假有廟對越在天帷宮旋御率禮不愆泰時展祠
雲陽奉瑄齊居精明益用告虔

理宗郊祀前朝享太廟樂章

皇帝升降乾安

於皇祖宗清廟奕奕威靈在天不顯惟德垂裕鴻延
詒謀燕翼孝孫格斯受祉罔極

迎神興安九奏

秬鬯既將黃鍾具奏瞻望真游優若有慕於皇列聖
在帝左右雲車具來以妥以侑

寧宗室大安

帝德之休恭儉淵懿三十一年謹終如始升祔在宮
祖功並美民懷有仁何千萬世

理宗明堂前朝享太廟樂章

寧宗室奠幣定安

皇矣昭考聖靈在天稱秩宗祀有嚴恭先奉幣以薦
見之優然仁深澤厚厥光以延

酌獻考安

假哉皇考必世後仁嘉靖我邦與物皆春之純之德
克配穹旻餘慶淵如佑我後人

寧宗郊祀前朝獻景靈宮樂章

皇帝入門乾安

闕幄邃深雲景杳冥天清日晡展容玉庭締基發祥
希夷降靈神其來燕是饗是聽

升殿乾安

帝居瑤圃璇題玉京日月經振列宿上熒桂簋飴芬
瑚器華晶寅承禋祀用戒昭明

降神太安六變圜鍾為宮

四靈晨耀五煒夕明風雲晏和天地粹清
按史志此處脫一句

靈兮來迎啓我子孫饗於純精

黃鍾為角

芬枝揚烈煩珠叶陶闈珍闈符展詩舞箭神哉來下
神哉來翔肅若有承靈心招搖

太簇為徵

龍車既奏鳳馭載翔帝幄佇靈天衢騰芳神來留俞
神來蹇驤禮鬯樂明奏假孔將

姑洗為羽

虹旌蜺旄鸞旗翠蓋星樞扶輪月御叶衛靈至陰
靈般裔裔來格來享福流萬世

盥洗乾安

禮文有俶祀事孔明將以潔告允惟齊精自盥而往
聿觀厥成靈監下臨天德其清

詣聖祖位乾安

惟宋肖德欽天顧佑於皇道祖丕釐靈佑葛藟殖繁
瓜瓞孕茂克昌厥後世世孝奏

聖祖位奉玉幣靈安

高宗御製

上靈始祖雲景元尊嚴祀夙展六樂朱軒明王之潔
豐帛之溫暢乃繼序承德不愆

皇帝還位乾安

桂宮耽耽蓂儀穆穆天回袞彩風韶璜玉咸英皦亮
容典炳煜假我上靈景命有僕

奉饌吉安

我簋斯盈我簠斯實或剝或烹或燔或炙有穀既將

為俎孔碩禮儀卒度永錫爾極

再盥洗乾安

觴滫初勺禮戒重盥假廟以萃取象於觀清明外暢
精肅中貫我儀圖之三靈攸贊

再詣聖祖位乾安

肇基駿命肇右鴻業鼎玉龜符垂固萬葉靈貺具臻
神光煜煜輝祉無疆規重矩疊

聖祖位酌獻祖安

高宗御製

瑶原誕啓玉牒肇榮覆育羣有監觀圓清酒醴既洽
登薦惟誠無有後艱駿惠雲仍

還位乾安

皇帝瑞慶長發其祥纂系悠遠溯源靈長德之克明
休烈有光配天作極孝饗是將

文舞退武舞進正安

持翟成象秉朱就列旄乘整溢鳳儀諧節揮舒皇文
歌蹈先烈合好效歡福流有截

亞獻沖安

光煥紫幄神流玉房秉文侑儀嘉虞貳觴震澹醉喜
彷彿迪嘗璇源之休地久天長

終獻沖安

靈輿蹇驥畢觴泰筵貳饗允穆裸將克竣垂恩儲祉
錫羨永年將以慶成燕及皇天

詣飲福位乾安

若木露英青雲流霞蔓蔓芝秀馮馮桂華綿瑞無疆

產嘏孔奢皇則受之鞏我帝家

飲福酒報安

旨酒惟蘭勺漿惟椒福流瓚竿光燭琨瑶拜貺清宮
凝輝慶霄神其如在徘徊招搖

還位乾安

烝哉我皇繼天毓聖逆釐元都對越靈慶如天斯久
如日斯盛瑶圖濟邈永隆駿命

徹饌吉安

房劔陳列室簋登奉告饗具歆展徹惟拱祥光奕奕
嘉氣懔懔受嘏不謏燕天之寵

送真太安

雲車風馬靈其來遊天門誅蕩神其莫留遺慶陰陰
祉發祥流康我有宋與天匹休

降殿乾安

璇庭爛景紫殿流光禮洽乾回福應日昌聖系龐鴻
景命溥將德茂功成率祀無疆

詣望燎位乾安

厥初生民淵濬惟祖芳薦既輟明燎具舉德馨升聞
靈貺蕃詡懷濡上靈佑周之祐

還大次乾安

帝假于宮彞承清祀天暉臨幄宸衛森峙行繇太室
旋趨紫時率禮不違式專靈祉

理宗明堂前朝獻景靈宮樂章

餘用舊詞

升殿登歌乾安

我享我將罄茲精意陟降左右維天與契齋明乃心
祇肅在位於萬斯年百福來備

亞獻宮架沖安

慶雲郁郁鳴璆琅琅澹其容與申薦貳觴奉承若宥
神其樂康錫以多祉源深流長

淳祐祭海神樂章

迎神延安宮一曲

堪輿之間寂鉅惟瀛包乾括坤吐日滔星祀典載新

禮樂孔明鑒吾嘉賴來燕來寧

角一曲

四溟廣矣八紘是紀我宅東南迴復萬里洪濤飄風
安危所倚祀事特隆神其戾止

徵一曲

若稽有唐克致崇極祝號既升爰增祭式從享于郊
神斯受職我祀肇新式祈陰隲

羽一曲

猗與祀禮四海會同靈之來沛鞭霆馭風肝蠻彷彿
在位肅雍佑我烝民式徵神功

升降欽安

靈之來至垂慶陰陰靈之已坐飭茲五音壇殿聿嚴
陟降孔欽靈宜安留鑒我德心

東海位奠玉幣德安

百川所歸天地之左瀕洞鴻濛功高善下行都攸依
百祿是荷制幣嘉玉以侑以妥

南海位奠玉幣瀛安

祝融之位貴乎三神吞納江漢廣大無垠長為委輸
祐我黎民敬陳明享允鑒恭勤

西海位奠玉幣潤安

蒲昌之澤派引天潢羲娥出入浩渺微茫蓋高斯覆
猶隔封疆我思六合肇正吉昌

北海位奠玉幣瀚安

瀚海重潤地紀亦歸吞受百瀆限制北陸一視同仁

我心則怡嘉薦玉幣神其格思

奉俎豐安

昭格靈貺祀典肇升牲牲告充雕俎是承薦虔効物
省德惟馨靈其有喜萬宇肅澄

東海位酌獻熙安

滄溟之德東南具依熬波出素國計攸資石臼却敵
濟我王師祀其享錫益畀燕綏

南海位酌獻貴安

南溟浮天旁通百蠻風檣迅疾琛舶來還民商永賴
坐消寇姦薦茲嘉觴弭矣驚濶

西海位酌獻類安

積流䟽派被於流沙布潤施澤功均邇遐我秩祀典
四海一家祇薦令芳靈其享嘉

北海位酌獻溥安

儵忽會同裴回安留牲肥酒香晨事聿修惟德之涼
曷奄九州帝命是祇多福是求

亞終獻饗安

籩豆有楚貳觴斯旅神其醉飽式燕以序百靈祕怪
蜿蜒飛舞錫我祺祥有永終古

送神成安

告靈饗矣錫我嘉祚乾端坤倪開豁呈露元雲聿收
羣龍咸驚滅除凶災六幕清豫

寧宗登門肆赦樂章

升坐乾安

帝饗於郊荷天之休五福敷錫皇明燭幽雲行雨施
仁翔德游聖人多男歌頌九州

降坐乾安

天日清晏朝野靖安三靈荅祉萬國騰歡帝命不違
王業艱難天子萬年永迪監觀

紹定三年恭上壽明仁福慈睿皇太后冊寶樂章

文德殿冊寶降殿

思齊聖母媿於周任體乾履坤博厚洪深七袞既啓

萬壽自今所庭發號式昭德音

冊寶詣東階

煌煌儀物繹繹鼓鐘奉茲寶冊至於階東上公相儀
列辟盡恭拜手慈宸福如華嵩

冊寶出門

帝闕肅開天階坦履霓旌羽蓋導儀護衛匪誇雕琢
匪矜繁麗茲謂盛儀億載千歲

慈明殿冊寶入門

金堅玉純文郁禮縟來從帝所作瑞王國天開地闢
日熙春煥茲謂盛事永燕第祿

冊寶升殿

皇儀有煒綵舁次升沈沈邃殿穆穆天廷坤德采隆
皇圖永寧咨爾廷臣攝齊以登

冊寶詣宮中

壽為福先明燭物表仁沾動植福齊穹昊曰慈與睿
並崇丕號演而申之萬世永保

皇太后升御座

通臣跪奏巖辨必恭乃御禕榆升于殿中慈顏雍穆
和氣冲融芳流青史傳之無窮

冊寶詣讀冊寶位

徽音孔昭寶傳斯刻金昭玉粹有煜斯冊載祈載祝
以燕以翼寶之萬年與宋無極

皇太后降御座

皇文既舉慶禮告虔肇自宮闈格于幅員子稱母壽

母謂子賢陟降在茲隆名際天

宋樂志曰理宗享國四十餘年凡禮樂之事式遵
舊章未嘗有所改作及奉上壽明仁福慈睿皇太
后冊寶始新製樂曲行事

嘉定十五年皇帝爰膺天命之寶樂章

恭膺天命之曲太簇宮

我祖受命恭膺于天爰作玉寶載祇載虔申錫無疆
神聖有傳昭茲興運於萬斯年

舊疆來歸之曲太簇宮

於穆我皇之德之純涵濡羣生矧我遺民連齊跨晉
輸貢効珍土宇日闢一視同仁

永清四海之曲太簇宮

我祖我宗德厚澤深於皇繼序益單厥心天人協扶
一統有臨乾坤清夷振古斯今

嘉定二年冊皇太子樂章

皇帝升座

於皇我宋受命于天升儲主鬯衍慶卜年典冊告備
庭工載虔萬乘莅止端冕邃延

太子入門受冊寶

太極端御少陽肅祗珉簡斯鏤袞服孔宜式奏備樂
迺陳盛儀下拜登受永言保之

太子受冊寶出門

明兩承曜作貳宣猷茂德金昭令譽川流豫定厥本
永貽乃謀三朝致養問寢龍樓

皇帝降座

震游體象我儲明兮
渙陽顯冊我禮成兮
大駕言旋
警蹕鳴兮燕祉無疆
邦之榮兮

寶祐二年皇子冠樂章

皇帝將出文德殿隆安

於皇帝德乃聖乃神
本支百世立愛惟親
敬共冠事
以明人倫承天右序
休命用申

賓贊入門祇安

豐芑詒謀建爾元子揆禮儀年筮賓敬事八音克諧
嘉賓至止于以冠之成其福履

賓贊出門祇安

禮國之本冠禮之始賓升自西維賓之位于著于阼
維子之義厥惟欽哉敬以從事

皇帝降座隆安

路寢闢門黼座恭己羣公在庭所重維禮正心齊家
以燕翼子於萬斯年王心載喜

皇子初行

有來振振月重輪兮瑜玉在佩綦組明兮右徵左羽
德結旌兮步中采齊矩矱循兮

賓贊入門

我有嘉賓直大以方亦既至止厥德用光冠而字之
厥義孔彰表裏純備黃耆無疆

皇子詣受制位

吉圭休成其日南至天子有昭冠爾皇嗣為國之本

隆邦之禮拜而受之式共敬止

皇子升東階

茲惟阼階厥義有在歷階而升敬謹將冠經訓昭昭

邦儀粲粲正纚賓筵壽考未艾

按此首用韻未詳豈擬車攻第五章體耶

皇子升筵

秩秩賓筵遵豆孔嘉帝子至止衿纓振華周旋陟降
禮行三加成人有德匪驕匪奢

初加

帝子惟賢懋昭厥德跪冠于房元冠有特鐘鼓喤喤
威儀抑抑百禮既洽祚我王國

初醮

有賓在筵有尊在戶磬管將將醮禮時舉跪觴祝詞
以永燕譽寶祚萬年磐石鞏固

再冠

復及肇祥震維標德乃共皮弁其儀不忒體正色齊
維民之則璇霄眷佑國壽箕翼

再醮

冠醮之義匪酬匪酌于戶之西敬共以恪金石相宣
冠醮相錯帝祉之受施及家國

三加

善頌善禱三加彌尊爵弁莪莪介珪温温陽德方長
成德允存燕及君親厥祉孔蕃

三醮

席于賓階禮義以興受爵執爵多福以膺匪惟服加

德加愈升匪惟德加壽加愈增

皇子降

命服煌煌跬步中度慶集皇闈化行德宇禮具樂成
惕若戒懼寶璐厥躬有秩斯祐

朝謁皇帝將出

皇王烝哉令聞不已燕翼有謀冠醮有禮百僚在庭
通相厥事頌聲所同嘉受帝祉

皇子再拜

青社分封前星啓燭繁弱綏章厥光莫掩容稱其德
蓄學之驗芳譽敷華大圭無玷

皇子退

元袞黼裳垂徽永世勉成德是在元子胙土南賓
厥旨孔懿克一忠字作百無愧

皇帝降座

愛始於親聖畫倫兮元子冠字邦禮成兮天步舒徐
皇心寧兮家人之吉億萬春兮

寧宗郊祀大禮鼓吹曲

六州

皇撫極明德貫乾坤信星列卿雲爛輝亘紫微垣思
報旣明詔祠官練時蒐曠典紫時觚壇昭孝德親御
和鑾振鷺玉珊珊精純謁款管蕭壙煬黃流湛澹百
末布生蘭扣天闈延飛駕相彷彿降雲端神光集嘉
嚮應藹藹萬衣冠竣熙事清曉輕寒恣榮觀華衣霧
殺般般乾坤並旣慶君歡翹首聖恩寬尊皇極沛天

澤靈心懌龜鼎永尊安

十二時

宵景霽河漢清夷曠典講明時
合祛升侑孝德爰熙
陳裸闕宮澹觴太室來奏天儀
駟蒼螭玉輅馭蕤綏
觚陛展躬祠長梢飾玉翠羽秀
金支華始倡雅韻出
宮垂神來下雲車風馬續
掩靄宴棲遲畢觴流胙柴
煙竣事棠梨迴謁宣室受蕃釐
盛德無心專饗端為
民祈雲恩有截雨澤沛無涯
君王愉樂酥氣溢瑤卮

壽天齊長擁神基

奉禋歌

葭飛璇籥孕初陽雲絕清臺薦景祥風應律日應光
歲功順底金穰壽而康庭壺樂無疆皇展報新禮樂
觚陛詠賓鄉珠幄煥黃登瑞縹陳俎豆澹嘉觴袞衣
輝煥寶佩琳琅奠椒漿慶陰陰神來下鳳翥龍驤靈
燕喜錫符仍降嘏鏞管琳琅懽亮神之出祓蘭堂輦
路天香輕烟半襲旂常祉滂洋受釐宣室返馭齋房

恩與風翔華封祝皇來有慶八荒同壽寶歷無疆

降仙臺

星芒收采雲容放曉羲馭漸揚明觚壇竣事霽風襲
袞衣輕鑿路塵清甘泉鹵簿祲威肅回軫旋衡千官
導從粲簪纓鈞奏間韶英瞻龍闈近鳳城都人雲會
芬苒夾道懽迎宸極尊榮卮玉慶熙成瓊樓天上起
和聲布春澤洪暢寰瀛嵩呼萬歲螯三抃頌昇平

明堂大禮鼓吹曲

合宮歌

聖明朝曠典乘秋舉大饗本仁祖九室八牖四戶教
躬齋戒格堪輿盛牲實俎並侑總稽古玉露乍肅天
宇冰輪下照金鋪燎烟噓鬱尊香雲門舞髻鬢翔坐
靈心咸嘉娛衆星俞美光屬照煩珠清曉御丹鳳湛
恩徧決率溥歡聲雷動嶽鎮呼徐命法駕萬騎花盈
路萬姓齊祝壽同天地事超唐虞看平燕雲從此興
文偃武待重會諸侯舊東都

六州

商秋肅嘉會協中辛涓路寢修禋祀聖德昭清端志
慮罄竭齋精錦繡排天仗羽衛繽紛朝太室返中宸
被袞接神明時平天地俱清宴兼金行萬寶物盛藹
清馨瞻煥座春容嫉燕三靈奠瑤爵薦量幣清思窈
冥冥望崑崙輸嘉祥塞網緼誠殫禮洽慶休成潤澤
被生民端門肆眚昕庭稱賀俱將戩穀萬壽祝明君
十二時

炎圖輦天祚昌期聖德茂重離英明經遠濬哲昭微
寶儉更深慈觀萬國累洽重熙對時報禮秩神祇玉
帛湊華夷肅雍顯相百辟盡欽祗奄嘉虞英璧奠華
滋神安坐景氣澄虛極光燄燭長麗展詩應律萬舞
逶遲三獻洽皇儀垂靈履慶祐來宜禮無違鳴鸞臨
帝闕飛鳳下天倪清和寰宇霈澤一朝馳醇化無為
萬祀鞏丕基

導引

合宮親饗青女肅長空精意與天通
后皇臨顧誰為
侑文祖暨神功
函蒙祉福歲常豐
聲教被華戎
兩宮
眉壽同榮樂
穀永來崇

寧宗皇帝發引鼓吹曲

導引

三弄曉雲黯天低
攀六引轉悲悽
儉慈孝哲鍾天性
深仁厚澤徧羣黎
東西南北徯商霓
功甫就別宸闈
臣民千古恨幾時
羽衛帶朝歸

六州

明天子昔日丕纂鴻圖躬道德崇學問稽古訓訪羣
儒日親廣廈論唐虞講求政治想都俞君臣一德志
文孚外夷効順猶自選車徒仁恩霑四國固結滿寰
區千年宗社萬歲規模重新天命出乾符老癯策杖
相扶願觀德化徧方隅幸無死須臾謂宜聖壽等嵩
呼遽登雲輿上龍胡宸居幽寂紫雲孤宸章寶畫但
與日星俱龍帷鳳翼已載塗忍聽笳鼓嗟呼

十二時

弋綈革鳥取仁賢儉德自躬全憂勤庶政三十餘年
金風肅秋漸老攝調憊忱恂徧羣祀號泣訴旻天綴
衣將出神凝玉几一夜登仙弓墮隔蒼烟七月有來
同軌引縉動靈輅悽愴淚潸然行號巷哭薤露聲傳
東城去路驚濤忍見江船憔悴山川不禁簫鼓咽山
陰處茂林修竹芊芊望陵宮應弗遠金粟堆前人徒
慕戀百神警待盤翥驅先戴鴻恩空痛慕淚珠連干

秋歲功德寄華編

寧宗神主祔廟鼓吹曲


導引

中興四葉休德繼昭清王度日熙平氣調玉燭金穰
應八表頌聲騰中原圖籍入宸廷列聖慰真靈袞龍
登廟游仙闕億萬載尊承

寶慶三年奉上寧宗徽號鼓吹曲

導引

中興五葉天子肇明禋一德格高旻寧皇至聖功超
古萬國慕深仁徽稱顯號又還新功德粲雕珉乾坤
繪畫終難盡遺澤在斯民



欽定續文獻通考卷一百十二

欽定四庫全書

史部

欽定續文獻通考卷一百十三

四三

給事中_臣陳化龍覆勘

總校官內閣中書_臣孫溶

欽定四庫全書

欽定續文獻通考卷一百十三

樂考

樂歌

遼

遼史樂志曰雅樂歌詞文闕不具

金郊祀樂章

皇帝入中壝宮縣黃鍾宮昌寧之曲

凡步
武同

衮服穆穆臨於中壇瞻言園壇皇皇后帝禋祀肇稱
馨香維德爰暨百神於昭受職

降神宮縣乾寧之曲仁豐道洽之舞園鍾為宮黃鍾
為角太簇為徵姑洗為羽園鍾三奏黃鍾太簇姑洗
皆一奏詞並同

我金之興皇天錫羨惟神之休爰茲郊見有玉其禮
有牲其薦將受厥明來寧來燕

皇帝盥洗官縣黃鍾宮昌寧之曲

因天事天惇宗將禮爰飭攸司奉時壘洗挹彼注茲
迺升壇陞先事而虔神勞豈弟

皇帝升壇登歌大吕宫昌寧之曲

相在國南崇崇其趾烝哉皇王惟時莅止至誠通神
克禋克祀於萬斯年昊天其子

昊天上帝奠玉幣登歌大吕宫洪寧之曲

穆穆君王有嚴有翼珮環鏘然園壇是陟嘉德升聞
馨非黍稷高明降監百神受職

皇地祇坤

按史志王圻續通考俱誤作神照史志雅樂條改

寧之曲

肅敬明祇躬行奠贄其贄維何黃琮制幣從祀羣靈
咸秩厥位維皇能饗允集熙事

配位太祖皇帝永寧之曲

肇舉明禋皇天后土皇祖武元爰作神主功昭耆定
歌以大呂綏我思成有秩斯祜

司徒迎俎官縣黃鐘宮豐寧之曲

穆穆皇皇天子躬祀羣臣相之罔不敬

按王圻續通考作欽

止

俎豆畢陳物其嘉矣馨香始升明神燕喜

昊天上帝酌獻登歌大呂宮嘉寧之曲

郊禋展敬昭事上靈太尊在席有配斯馨酌言獻之
靈其醉止福祿來宜以答明祀

皇地祇泰寧之曲

袞服穆穆

王圻續通
考作煌煌

臨彼

史志
作被

泰折於昭神宮埋幣

瘞血爰稱匏爵斟言薦潔方輿常安扶我帝業

配位太祖皇帝燕寧之曲

烝哉高后肇迪丕基功與天合配天以推薦時清旨
孔肅其儀來寧來燕福祿綏之

文舞退武舞進宮縣黃鍾宮咸寧之曲

奉祀郊丘雲門變舞進秉朱干停揮翟羽於昭睿文
復肖聖武無疆維烈天子受祜

亞終獻宮縣黃鍾宮咸寧之曲功成治定之舞

掃地南郊天神以竢於皇君王

按史志誤作在照
王圻續通考改

克

裡克祀交於神明元酒陶器誠心靖純非貴食味

皇帝飲福登歌大呂宮福寧之曲

所以承天無過乎質天其祐之惟精惟一泰尊爰挹
馨香薦德惠我無疆子孫千億

徹豆登歌大呂宮豐寧之曲

大禮爰陳為豆孔碩肅肅其容於顯百辟皇靈降監
馨聞在德明禋斯成孚休罔極

送神宮縣園鍾宮乾寧之曲

赫赫上帝臨監禋祀居然來歆昭答祖配園壇四成

神安其位升歌贊送天人悅喜

方丘樂章

迎神鎮寧之曲林鍾宮再奏太簇角再奏姑洗徵再
奏南呂羽再奏詞同

至哉坤儀萬彙資生稱物平施流謙變盈禮修泰折
祭極精誠皇皇靈眷永奠寰瀛

初獻盥洗太簇宮肅寧之曲

禮有五經無先祭禮即時申虔惟時盥洗品物吉蠲

威儀濟濟錫之純嘏來歆豈弟

初獻升壇應鍾宮肅寧之曲

無疆之德至哉坤元沈潛剛克資生實蕃方丘之儀
惟敬無文神其來思時歆薦殷

初獻奠玉幣太簇宮億寧之曲

禮行方澤文物備舉惟皇地祇昭假來下奠瘞玉帛

按玉圻續
通考作幣純誠內著神保是享陟降斯祐

司徒奉俎太簇宮豐寧之曲

四階秩儀壇於方澤昭事皇祇即陰以塙潔肆于祊
孔嘉且碩神其福之如幾如式

正位酌獻太簇宮溥寧之曲

蕩蕩坤德物無不載柔順利貞含宏光大籩豆既陳

按王圻續通考
作存據史志改

金石斯在四海永寧福祿攸介

配位

太宗也

酌獻太簇宮保寧之曲詞闕

亞終獻升壇太簇宮咸寧之曲

卓彼嘉壇奠玉方澤百神祇肅八音純繹祀事孔明

柔祇感格

按此章不應獨減二句疑史闕之

徹豆應鍾宮豐寧之曲

修理方丘吉蠲是宜籩豆靜嘉登于有司芬芬馨香
來享來儀郊儀將終聲歌徹之

送神林鍾宮鎮寧之曲

因地方丘濟濟多儀樂成八變靈祇格思薦餘徹豆
神貺昭垂億萬斯年永祐丕基

詣望燎位太簇宮肅寧之曲詞同升壇

宗廟樂章

禘祫親饗樂章

皇帝入門宮縣無射宮昌寧之曲

出入步武同

惟時升平禮儀肇興鳴鸞至止穆穆造庭百辟卿士

恪謹迎承恭隸

故二字疑有誤王圻續通考作對越

祖考神宇攸寧

皇帝升殿登歌夾鍾宮昌寧之曲

升降及將還版位皆同登歌

笙鏞既陳壘尊在戶升降有容惟規惟矩恭敬明神

上儀交舉永言保之承天之祜

皇帝盥洗宮縣無射宮昌寧之曲

惟水之功潔淨精微洗爵奠斝于德有輝皇皇穆穆
宗廟之威宜其感格福祉交歸

皇帝降階宮縣無射宮昌寧之曲

於皇神宮象天清明有來肅肅相維公卿禮儀卒度
君子攸寧孔時孔惠綏我思成

臣等謹按盥洗復位而後迎神此天德二年樂節
至大定中更定詳後朝享

迎神宮縣來寧之曲黃鍾宮三奏大呂角二奏太簇
徵二奏應鍾羽二奏詞同

八音克諧百禮具舉明德惟清至誠永慕神之格思
雲輶風馭來止來臨千祀燕處

司徒引俎宮縣無射宮豐寧之曲

維牲維犧齊明致祠我將我享吉蠲奉之博碩肥膾
神嗜為宜千秋歆此永綏黔黎

始祖酌獻宮縣無射宮大元之曲

惟酒既清惟穀既馨苾芬孝祀在廟之庭羞于皇祖
來燕來寧象功昭德先祖是聽

德皇帝大熙之曲

萬方欣戴鴻業創基瑤源垂裕綿延重熙式崇盛祀
爰考成規籩豆有楚益臻皇儀

安皇帝大安之曲

爰圖造邦載德其昌皇儀允穆誕集嘉祥明誠昭假
積厚流光祗嚴清廟鐘石琅琅

獻祖大昭之曲

惟聖興邦經始之初鳩民化俗還定攸居迪德純儉
志規遠圖時哉顯祀精誠有孚

昭祖大成之曲

天啓璇源貽慶定基率義為勇施德為威耀武拓境
功烈巍巍永昌皇祚均福黔黎

景祖大昌之曲

丕顯鴻烈基緒隆昌聖期誕集邦宇斯張尊嚴廟祔

昭假休祥煌煌緝典億載彌光

世祖大武之曲

桓桓伐

按王圻續通考
作武照史志改

功天鑒其明惟威震疊惟德

綏寧神策無遺鴻圖以興曾孫孝祀適昭厥成

肅宗大明之曲

於皇神人武烈文謨左右世祖懷柔掃除威震遐邇
化漸蟲魚垂光綿永成帝之享

穆宗大章之曲

卷一百十三
一
烝哉文祖欽聖弘淵慈愛忠信典冊昭然歆此明祀
繁祉綿綿時純熙矣流慶萬年

康宗大康之曲

惟明惟聽煜煜神功儀型世業昭假上穹持盈孝孫
薦芳斯豐錫我祉福皇化益隆

太祖大定之曲

功超殷周德配唐虞天人協應平統寰區開祥垂裕
肇基永圖明明天子敬承典謨

太宗大惠之曲

巍巍德鴻無為端宸祚承神功究馴俗燬清宮緝熙
孝悌時祀欽奠著誠犧尊嘉旨

熙宗大同之曲

昭顯

按王圻續
通考作昭

令德神基丕承對越在天享用躋升

於穆清廟來燕來寧神其醉止惟歆

按史志誤作欽
照王圻續通考

改克誠

睿宗大和之曲

皇祖開基周武殷湯猗歟聖考嗣德彌光啓佑洪緒
長發其祥嚴恭廟享萬世烝嘗

世宗大鈞之曲

神之來思甫登于堂裸圭有瓚秬鬯芬芳巍巍先功
啓佑無疆萬年肆祀孝心不忘

顯宗大寧之曲

於皇神宮有嚴惟清吉蠲孝祀惟神之寧對越在天

綏我思成

按史志誤作誠照
王圻續通考改

敷祐億年邦家之慶

章宗大隆之曲

兩紀踐祚萬方寧
康文經天地武服遐荒
禮備制定
德隆業昌居歆典祀億載無疆

宣宗大慶之曲

猗歟聖皇三代之英
功光先后德被羣生
牲粢惟馨
鼓鐘其鏗神兮來思
歆于克誠

文舞退武舞進宮縣無射宮肅寧之曲

明明先皇神武惟揚
開基垂統萬世無疆
干戚象功

威儀有光神保是享昭哉降康

亞終獻無射宮肅寧之曲

涓辰之休昭祀惟恭威儀陟降惟禮是從籩豆靜嘉
於論鼓鐘惟皇受祉監斯德容

皇帝飲福登歌夾鍾宮福寧之曲

犧牲充潔粢盛馨香來格來享精神用彰飲此純禧
簡簡穰穰文明天子萬壽無疆

徹豆登歌夾鍾宮豐寧之曲

按樂志上云徹豆奏豐寧用無射宮而此與朝

享徹五皆作夾
鍾宮其說互異

孝祀肅穆

按史志誤作睦照
王圻續通考改

明德以薦樂奏九成禮

終三獻百辟卿士進徹以時小大稽首神保聿歸

送神宮縣黃鍾宮來寧之曲

潔茲牛羊清茲酒醴三獻攸終神既燕喜神之去兮
載錫繁祉萬壽無疆永保禋祀

郊祀前朝享太廟樂章

皇帝入門宮縣無射宮昌寧之曲

郊將升禋廟當告虔錫鑿戾止孝實奉先祀事斯舉
有序無愆祇見祖考神意懽然

皇帝升殿登歌夾鍾宮昌寧之曲

皇皇天子升自阼階莫見祖禰肅然有懷百禮已洽
八音克諧既昌且寧萬福沓來

迎神宮縣來寧之曲黃鍾宮

按此處史志與王圻續
通考俱脫宮字今補

三奏大呂角二奏太簇徵二奏應鍾羽二奏詞同

臣等謹按樂志上云天德二年晨裸畢還小次方

奏迎神曲大定十一年朝享奏依開元開寶禮至
版位即奏黃鍾宮九奏云云前禘祫親享迎神在
盥洗降階後則天德舊儀此迎神而後盥洗則大
定間改制也

以實應天報本反始潔茲豐盛禮先肆祀風馬雲車
神之弔矣來止來宜而燕翼子

皇帝盥洗官縣無射宮昌寧之曲

有水于壘有巾于篚悅手拭爵圭袞有煒元酒太羹

德馨惟非萬年昌寧皇皇負辰

皇帝升階宮縣無射宮昌寧之曲

降階同

魏魏京師有嚴神宮聖主戾止多士雲從來享來獻

按王圻續通考作格獻作享照史志改

肅肅其容將昭大報庸示推崇

司徒奉俎宮縣無射宮豐寧之曲

陳其犧牲惟純與精苾芬孝祀

按史志誤作思照王圻續通考改

於

昭克誠不疾瘼蠱或剥或烹洋洋在上以交神明

始祖酌獻宮縣無射宮

按此三字史志脫照王圻續通考添

大元之曲

猗歟初基兆我王迹其命維新貽謀丕赫綿綿瓜瓞
國步日闡堂構之成焜煌今昔

獻祖大昭之曲

以聖繼興成王之孚民從其化咸莫攸居清廟觀德
猗與偉與金石備樂以奉神娛

昭祖大成之曲

東夷不庭皇祖震怒神武削平貽厥聖緒猶室有基
垣墉乃樹億萬斯年天保孔固

景祖大昌之曲

於皇藝祖其智如神修法施令百度維新疆宇日廣
海隅咸賓功高德厚耀耀震震

世祖大武之曲

於皇先王昭假于天長駕遠馭麾斥無前王業猶生

孫謀有

按王圻續通考作克

傳園壇展禮敢先告虔

肅宗大明之曲

猗歟前人簡惠昭融相我世祖成茲伐

按王圻續通考作武照史

志改功敷佑來葉帝圖其隆將修熙事先歆神宮

穆宗大章之曲

仁慈忠信惟祖之休功光岐下迹掩商邱仰瞻清廟
懷想前修神其來格歆茲庶羞

康宗大康之曲

猗歟前王惠我無疆儀刑典法日靖四方永言孝思
於乎不忘昭告大祀祗率舊章

太祖大定之曲

天生聰明俾乂烝人惟此二國為我敵民捷彼威武
萬邦咸賓明昭大報推而配神

太宗大惠之曲

維清緝熙於昭明德我其收之駿奔萬國南郊肇修
大典增飾清廟吉蠲純禧申錫

睿宗大和之曲

維時祖功肇開神基昭哉聖考其德增輝上動天監
明命攸歸謀貽翼子無疆之辭

文舞退武舞進宮縣

按此處亦應有無射宮三字觀
神祿樂歌可見史志王圻續通

考俱
脫

肅寧之曲

先皇開基比迹殷湯功加天下武德彌光容舞象成
干戈咸揚於昭報本懷哉不忘

亞終獻宮縣無射宮

按此三字史志脫
照王圻續通考添

肅寧之曲

於皇宗祊朝獻維時芬芬酒醴棣棣威儀誠則有餘
神之格思子孫千億神其相之

皇帝飲福登歌夾鍾宮

按此處史志王圻續
通考俱脫宮字今補

福寧之

曲

皇皇穆穆丕承丕基躬親于禋載肅載祇對越在天
神歆其誠于以飲酒如川之增

徹豆登歌夾鍾宮豐寧之曲

物維其時既豐且旨苾苾德馨或將或肆神之居歆

洽按王圻續通考
作協照史志改于百禮於萬斯年穰穰介祉

送神宮縣黃鍾宮來寧之曲

濟濟多儀皇皇雅奏獻終反爵薦餘徹豆神監昭回

有秩斯祜無疆之福申錫厥後

昭德皇后別廟郊祀前薦享登歌樂曲

初獻盥洗夷則宮肅寧之曲

神無常享時歆精誠惟誠惟潔感通神明先事盥滌

注茲清泠巾篚既奠尊彝薦馨

初獻升降殿仲呂宮嘉寧

按史志
脫寧字之曲

有來肅肅登降以敬粲粲衺服鏘鏘佩聲金石節奏
既協且平其儀不忒乃終有慶

司徒奉俎奏夷則宮豐寧之曲

馨我黍稷潔我牲牷降升有節薦是吉蠲工祝致告
威儀肅然神之弔矣元吉其旋

酌獻奏夷則宮儀坤之曲

倪天之妹坤德利貞園丘有事先薦以誠我酒既旨
我殽既盈神其居饗福祿來成

徹豆奏仲呂宮豐寧之曲

明昭祀事舊典無違樂既云闋神其聿歸禮之克成

神保斯饗於萬斯年迺續丕貺

袷禘有司攝事樂章

按樂章字史志脫照王圻續通考添

初獻盥洗宮縣無射宮肅寧之曲

祀事之大齊粟為先潔精以獻沃盥于前既灌以升

乃薦豆籩神其感格歆于吉蠲

升自西階登歌奏夾鍾宮嘉寧之曲

餘並同親祀

國有太宮合食以禮躋階肅肅降陞

按王圻續通考誤作陞照史志

改濟濟鏗然純音節乃容止神之格思永綏福履

時享攝事登歌樂章

初獻盥洗無射宮肅寧之曲

酌彼行潦惟挹其清潔齊以祀祀事昭明顯允辟公

沃盥乃升神之至止歆于克誠

初獻升殿夾鍾宮嘉寧之曲

餘同親祀惟不用宮縣

濟濟在庭祗薦有序雍容令儀旋規折矩爰徂于基
鳴佩接武敬恭明神來寧來處

昭德皇后時享登歌樂章

初獻盥洗無射宮肅寧之曲

時祀有章禮備樂舉爰潔其盥亦豐其俎俯仰升降

中規中矩神其來格百福是與

初獻升殿夾鐘宮嘉寧之曲

三獻及司徒降同

假哉神宮神宮有侑

按史志誤作血

惟時吉錫登升翼翼歌

鐘鐃煌笙磬翕繹於昭肅恭靈釐來格

司徒奉俎無射宮豐寧之曲

宮庭枚枚鐘磬喤喤既儀主鬯既奠骨節齊莊奉饋

籩豆大房靈之右饗流慶無疆

酌獻無射宮儀坤之曲

於皇坤德作合乾儀塗山懿範京室芳徽容聲如在
典祀惟時神其克享薦祉來宜

亞終獻無射宮儀坤之曲

嘉羞寶俎高張在庭申獻合禮

終獻改
申為三

坤德儀刑神

其是聽用鬯清明明既鬯來享來寧

徹豆夾鍾宮豐寧之曲

禮成於終，神心禋禋，肅蕭發馨，樂闋獻已，徒馭孔多，
靈輿載軺，青元悠悠，歸且億矣。

宣孝太子別廟登歌樂章

初獻升殿夾鍾宮永安之曲

有膺斯姓，有馨斯齊，美哉洋洋，升降以禮，禮容既莊，
樂亦諧止，神之格思，式歆明祀。

酌獻無射宮和寧之曲

於惟光靈，孝德昭宣，高麗有奕，來寧來燕，於薦惟裕。

既時既鑄從我烈祖載享億年

亞終獻和寧之曲

金石和奏豆籩惟豐祠官奉事齊敬精衷笙吟伊蒲
鶴駐緱峰是保是饗靈德無窮

徹豆夾鍾宮和安之曲

寢成奕奕今茲其時明稱肇祀將禮之儀侯安以懌
羞嘉且時樂闋獻已神其饗思

大定三年十月追上睿宗冊寶樂章

應鍾宮顯寧之曲

天開休運積仁而昌命茲昭考敢忘顯揚上儀肇舉
涓日之良來格來享惠我無疆

大定十九年升祔熙宗冊寶樂曲

恢大帝業教寧多方懿德茂烈金書發揚肇舉上儀
涓擇吉日鴻名赫赫與天無極

上冊寶宮縣靜寧之曲

日卜其吉承祀孔肅廣號追崇孝心克篤於乎悠哉

來思睟穆寶冊既陳委於宗祝

皇帝降殿宮縣鴻寧之曲

繼世隆昌臨朝靜默追謚鴻名發揮

按史志
誤作輝

潛德玉

質金章煌煌簡冊涓辰展儀永傳無極

殿庭樂歌

大定七年正月上冊寶樂章

皇帝將升御座宮縣樂太簇宮泰寧之曲

降座
同

德隆帝位承天而興侯邦來庭民居安寧歸美以報

與之無極鴻名徽稱壽時萬億

冊寶入門奏天保報上之曲

四方既平功歸聖明定功巍巍丕享鴻名股肱良哉
於揚元首儲精優游南山等壽

奉冊寶官將復班位奏歸美揚功之曲

聖德高明萬邦咸休錙銖唐虞黷糝商周惟時羣臣
對揚稽首天子明明令聞不朽

冊寶初行奏和寧之曲

冊寶將升殿皇太子
自侍立位至降階同

四方攸同昭哉成功時和年豐諸福來崇其聲昭騰
和氣充塞於乎皇王惟壽時億

皇太子升殿賀奏同心戴聖之曲

穆清皇風遐方來同於昭于天物和歲豐丕受鴻名

對揚偉績純嘏

按王圻續通考作嘏

穰穰敷錫罔極

上壽皇帝將升御座宮縣和寧之曲

同前

舉酒萬壽無疆之曲

四海太平吾皇之功羣臣對揚誕受鴻名霞觴瓊腴

君王樂豈皇天垂休萬壽無極

皇太子升階降階及與宴官升殿並奏和寧之曲

同前

進第一爵登歌奏王道昌明之曲

對天鴻休予以鋪張巍巍煌煌超冠百王皇圖皇綱

時惟明昌祉福無疆于民敷揚

行羣官酒宮縣和寧之曲文舞

按史志
誤作武

入設羣官食

奏功成治定之舞三成止

聖德高明如天聰

按史志誤作強照
王圻續通考改

明多方治平功

大有成流于聲音形于蹈舞頌觴

按王圻續通考作賞

羣臣以

昭禮遇

進第二爵登歌奏天子萬年之曲

惟明后御寰瀛躋昇平飛英聲功三皇德五帝游巖廊億萬歲

行羣官酒宮縣和寧之曲武舞入設羣官食奏四海會同之舞三成止

地平天成時和歲豐迓衡弗迷率維敷功受天之祐

四方來賀

按史志王圻續通考俱誤作荷

於萬斯年不遐有佐

進第三爵登歌嘉禾之曲

景命赫斯歸吾皇仁風洋洋披遠荒琛贄旅庭趨明
光氣和薰蒸為嘉祥殊本合穗真異常庾如坻京歲
且穰猗歟鴻休超前王播為聲詩傳無疆

行羣官酒設羣官食羣官降階宮縣並奏和寧之曲
皇帝將降御座奏泰寧之曲並用太簇宮

大定十一年十一月行冊禮樂章

皇帝升御座宮縣泰寧之曲

皇皇穆穆袞服玉趾如日之升如山仰止九賓在列
媯茲天子願言無疆介以繁祉

冊寶入門奏天保報上之曲

穆穆元聖天迪子保相維臣工以奏丕號揚于路朝
玉牒神寶於萬斯年吾君壽考

奉冊寶官將復班位奏歸美揚功之曲

玉冊玉寶尊聖天子丕揚鴻名昭受帝祉闋休對天

其隆孰比臣下同心翼戴歸美

皇太子升殿賀奏同心戴聖之曲

大矣我后徽冊膺受歡趨彤庭拜手稽首休明御辰

無疆萬壽靈貺

按史志
誤作沓

來天地長久

舉酒奏萬壽無疆之曲

聖德懋昭民歸天祐煌煌金書典冊光受備樂在庭

八音諧奏羣公奉觴天子萬壽

進第一爵登歌王道昌明之曲

明明我皇道光化溥百度惟新禮修樂舉藻飾太平
爛然可覩超躋三王暉映千古

設羣官食奏和寧之曲功成治定之舞

穆穆我君威折羣醜輝光日新仁洽九有容典威蕤
超前絕後端拱深巖寶冊膺受

第二爵登歌奏天子萬年之曲

典禮修惟明后揚鴻名燦瓊玖羅華紳為萬壽歌南

山堅且久

行羣宮酒奏和寧之曲四海會同之舞

道隆政平天開有德萬國和寧來王來極昭受鴻名
俯徇列辟錫飲行觴歡心各得

第三爵登歌奏嘉禾之曲

衆瑞畢至昭昇平爰生嘉禾乃合穗無無大田無南
東稼涉如雲成豐歲既刈既獲百室盈擊壤歌沸野
老聲陶唐之民茲其比帝力何有若自遂

大定十三年三月萬春節上壽皇太子命皇孫歌睿宗

功德歌

我祖睿宗厚有陰德國祚有傳儲嗣當立滿朝疑懼
獨先啓策徂征三秦震驚來附富平百萬望風奔仆
靈恩光被時雨春暘神化周浹春生冬藏

大定十八年十二月上受命寶樂章

皇帝將升御座宮縣奏秦寧之曲並大呂宮

上帝有赫懷此明德昇之神寶庸鎮萬國臨軒是膺
登降維則羣臣拜首年卜萬億

寶入門奏天保報上之曲

受命大寶昭荅眷祐珍符明貺人為天授文物具舉
韶護迭奏羣臣上之天子萬壽

羣臣合班奏歸美揚功之曲

德冒生民明明元后端冕臨軒神寶是受羣工來賀
咸拜稽首無疆無期享祚長久

皇太子升殿并自侍立位降階宮縣稱觴介壽之曲
上儀昭舉膺時瑞玉羣辟在列踰踰肅肅衣衣桓圭

歸美稽首升降惟時天子萬壽

舉酒登歌奏萬壽無疆之曲

上帝眷命純休茲至誕膺洪寶光臨大器稱觴對揚
嵩嶽萬歲其寧惟永無疆卜世

天德二年十月冊立中宮樂章

皇帝將升御座宮縣奏乾寧之曲

同 降座

人道大倫王化所基明聖稽古陰教欲施臨軒發策
備舉彝儀闡睢麟趾宜播聲詩

冊寶入門奏昌寧之曲

出門同

羽衛充庭淑旗徽章禮儀具舉涓辰以良相我內訓
來儀椒房億萬斯年邦家之光

將受冊寶以冊寶入門宮縣奏肅寧之曲

命婦升座同

塗山興夏闡睢美周坤儀之尊母臨九州瑤冊禕衣
光配凝旒地久天長福祿是道

后出閣奏順寧之曲

升降座同

元立厥配任似比隆母儀四海化行六宮日月並明

乾坤合德於萬斯年作儷宸極

受冊奏坤寧之曲

風化之始由于壺闈禮文斯備爰正坤儀惟順以慈
儷聖同德則百斯男垂統無極

天德四年二月冊皇太子樂章

皇帝將升御座宮縣奏乾寧之曲皆用夾鍾宮

大君有為先圖本固涓辰之吉禮成儲副文物備陳
聲樂皆具人心載寧克昌福祚

冊使入門奏昌寧之曲

在天成象煥乎前星惟聖時憲典禮以行一人有慶
萬邦以貞社稷之福寢昌寢明

皇太子入門奏元寧之曲

出門同

皇矣上帝純佐明聖篤生元良日躋德性冊命主器
萬邦以正龍樓問寢億年之慶

大定八年正月冊皇太子樂章

皇帝將升御座宮縣洪寧之曲並用太簇宮

會朝清明臨軒備禮天威皇皇臣工濟濟於昭元良
膺茲典冊對啟閔休卜年萬億

皇太子入門奏肅寧之曲

光照前星惟天垂象稽古而行主器以長典

按史志
王圻續

通考俱
誤作曲禮告成遐邇屬望國本既隆繁釐永享

羣臣合班奏嘉寧之曲

於皇臨軒禮崇上嗣惟眷之祺儔

按王圻續
通考作辨

方正位

言觀其儀翔翔

按王圻續
通考作蹠蹠

濟濟美歸吾君太平萬

歲

皇太子復受冊位奏和寧之曲

祖功艱難經營締構基牢根深枝繁葉茂於昭貽謀
駢休集祐元良斯貞吾皇萬壽

大定二十五年四月宴宗室於上京皇武殿帝自歌本

曲

猗與我祖聖矣武元誕膺明命功光于天拯溺救焚
深根固蒂克開我後傳福萬世無何海陵淫昏多罪

反易天道荼毒海內自昔肇基至于繼體積累之業
淪胥且墜望戴所歸不謀同意宗廟至重人心難拒
勉副樂推肆予嗣緒二十四年兢業萬幾億兆庶姓
懷保安綏國家閒暇廓然無事乃眷上都興帝之第
屬茲來游剛然予思風物減耗殆非昔時于鄉于里
皆非初始雖非初始朕自樂此雖非昔時朕無異視
瞻戀慨想祖宗舊宇屬屬音容宛然如覩童嬉孺慕
恣恣其處壯哉徑行恍然如故舊年從游依稀如昨

歡誠契濶日暮之若于嗟濶別兮云胡不樂

大定二十七年三月冊皇太孫樂章

皇帝將升御座宮縣泰寧之曲並姑洗宮

上天叢休申錫祚胤孫謀有貽臨軒體正煌煌上儀
欣欣衆聽隆我邦本無疆惟慶

皇太孫入門奏慶寧之曲

出門同

寶源流光流光惟遠孫謀有貽慶緒昭行於樂衆望
於皇備典動容周旋承茲嘉羨

羣臣合班奏順寧之曲

冕旒當宁徽章備舉綵仗充庭金石列虞濟濟多士
翼翼就序海潤山輝傾聽樂府

皇太孫復受冊位奏保寧之曲

禮之攸聞丕建世嫡衆論協從天心不易名崇震宮
辭著瑞冊社稷宗廟無疆夷懌

鼓吹導引曲

天眷三年九月駕幸燕京導引曲無射宮

五年一侍仙仗到人間問稼穡艱難蒼生洗眼秋光
裏今日見天顏金戈玉斧臨香火馳道六龍開歌謠
到處皆相似天子壽南山

天德二年三月祫享迴鑿導引曲

禮成廟享御衛拱飛龍諸道起祥風太平天子多受
福孝德與天通鳳簫龍管韶音奏聲在五雲中燦然
文物昭治世萬億禔無窮

貞元元年三月駕幸中都導引曲並姑洗宮

鑾輿順動喜氣滿神京
輦路宿塵清鈎陳萬旅隨天
仗縹緲轉霓旌都人望幸傾
堯日鼉抃溢懽聲臨觀
八極宸居正寰宇慶昇平

采茨曲

新都春色滿華蓋定全燕
時運千齡協星辰五緯連
六龍承曉日丹鳳倚中天
王氣盤山海皇居億萬年

貞元三年十一月裕享迴鑾采茨曲

按史志與王圜續
通考俱闕某律宮

慶成迴大駕仙仗紫雲深龍袞輝千騎嵩呼間八音
太平興綉禮萬國得懽心孝假迎遐福穰穰永降臨
正隆六年六月駕幸南京導引曲並林鍾宮

神居

按史志作宮照
王圻續通考改

壯麗宮殿壓蓬萊向曉九門開

聖明天子初巡幸遙駕六龍來五雲影裡排仙仗清
蹕絕纖埃都人齊唱昇平曲更進萬年盃

采茨曲

雙闕層雲表澄景開清曉六龍天上來馳道平如掃

虞巡五載合夏諺一遊同都人欣豫意寫入頌聲中
大定三年十月裕享迴鑾導引曲

禮行清廟華黍薦年豐聖孝與天通六龍迴馭千官
衛玉振珮環風黃麾金輅嚴天仗霏霧鬱葱蔥工歌
疊奏昇平曲福祿自來崇

采茨曲皆應鍾宮

自後親祀
二曲並用

太宮崇烈考大禮慶初成仙仗迴雲步天階嚴蹕聲
舜宮合至孝周頌詠維清介福應攘簡歡交萬國情

臣等謹按導引曲用長短句采茨曲五言八句導引在前采茨在後上文體例甚明史志於此乃作

裕享廻鑾采茨導引曲

皆應鍾宮自後
祀祀二曲並用

太宮崇烈

考云云導引曲禮行清廟云云若采茨下無導引

二字固與註意不協然并加此二字便難作太宮

崇烈考標題且與下導引曲三字亦屬重複而次

序倒置更不必言矣今照王圻續通考更定先後

庶與前例相合王圻續通考於導引采茨二題下

各註應鍾至並用云云亦未免辭費今但將史志
元註一條移列於後自較簡明

大定二十七年三月皇太孫受冊謝廟導引曲

璿源濬發衍慶自靈長聖運日隆昌震闡顯冊導異

典基緒煥重光練

按王圻續通考
作維熙史志改

時廟見嚴昭報禮

樂繁成章精誠潛格神明助福祿永無疆

欽定續文獻通考卷一百十三